

[May 2, 2012]

Jinghpaw Wunpawng
Bawngring Mahkri Shawn
Hpung (KDNG)

Tsa Ji

SHARIN LA HPA “JINGHP W WUNPAWNG MUNG DAN A BAWNGRING MASING”

GA MACHYAN

Ya ten hta Myen Asuya tang shawn nga ai amyu sha Laknak hpai rawt malan wuhpung ni hte bawngban na simsa lam gaw shawng nnan gap hkat jahkring nna, bawngirng gaw sharawt masing galaw na. Dai hpang she mung masa myithkrum lam hpe gaw gap mat wa na “Bawngring rawt jat masing” ngu ai ga sadi hpe hkam la na matu ahkyak madung tawn let tsun ndau jahpra taw nga ai. Ya tsun kajai nga ai simsa ni gaw KIO hte Jinghpaw wunpawng myu sha ni galaw shakut lai wa sai. Aten 17 ning tup Jinghpaw Wunpawng myu sha ni hkam machyi yu sai mahkrum madup sha rai nga ai.

Jinghpaw Wunpawng mungdan hpe 7 ning tup sawk sagawn shinggyin tawn ai hpe ginchyum hku tang madun dat nngai. Jinhpaw Wunpawng mungdan hta galaw lai wa sai “Rawt Jat bawngring masing “ hpe yu la, sharin la lu na matu hte kaga hpunau amyu bawsang ni mung gap hkat jahkring let gaw sharawt bungli galaw sa wa ai hpe sadi maja lu mu ga. Madi shadaw lu u ga matu yaw shada nngai. Myen mungdan hta Mung masa hpe shawng bawngban jahkrup ai lam nnga yang, tengman rap ra ai hte hkrunggrin ngangkan ai bawngring masing hpe gaw gap lu na nrai nga ai.]

Miwa hte Myen asuya a mungdan jarit sut masa bawngring masing shingdu labau



KIO hte Myen hpyendap gap hkat garai njahkring ai hte gap hkat jahkring sai aten na Uru Sengmaw Hpakant sumla

Miwa mungdan asuya a sut masa ngang grin lu na hte nhprang sut rai ni hpe hparan jai lang lu na matu maigan mungdan hte kanawn mazum policy galai shai wa ai. Dai majaw Miwa hte Myen mung jarit mayan na hpaga yumga lam rawt jat wa na matu mungdan asuya lahkawng maga bawngban jahkrup wa ai. Miwa mung a sinna hkran rai nga ai, Yunnan mungdaw a sut masa gawsharawt na matu, nhprang sut rai ni gaw Jinghpaw Wunpawng mungdan kaw e, ra ai hta pyi jan hkra rawng nga ai hpe sawn shapraw lu ma ai. 1988 August, China-Burma border trade, economic development policy galaw na matu, Myen hpyendap asuya State Law and Order Restoration Council (SLORC) hte Miwa asuya gaw myithkrum ta masat jawm ka shagrin dat sai.

1989 October hta Lieutenant General Than Shwe (hkring sa) hte Myanmar's powerful intelligence chief Brigadier General Khin Nyunt (hkring sa) yan gaw Miwa mungdan Beijing muklum mare kaw nhtoi (12) ya tup sa nga nna, hpyendap n-gun maden jat na hte bawngring masing galaw na matu Miwa asuya hte jahkrup ai. 1990 ning hta Miwa asuya gaw US\$1.2 Billion - US\$1.4 billion hpe Myen hpyendap asuya (SLORC) hpe amyat bai njaw ra ai ladat hte hkoi ya sai.

1991 shaning htum wa maga e, Miwa mungdan asuya kaw nna hpyendap hte seng ai hpaji jaw hkingmang ni mung, Myen mung de sa du ai. 1991-92 kaw nna gaw, “တရုတ် - မြန်မာ ချစ်ကြည်ရေး” nga nna, Jinhpaw Wunpawng mungdan Myitkyina mare hta Miwa mungdan hkingmang salang ni du shang wa ai. De hpang e border trade development masing npu kaw Miwa company ni gaw, Myen mungdan kata de mawdaw lam, wanleng lam hte mahkrai ni hpe gaw gap hpang wa ai.

China-Burma border trade masing a majaw, Jinhpaw Wunpawng mungdan kaw na nhprang sut rai ni hpe akyu jashawn let Miwa mungdan gaw gap ai bungli hpe galaw nga ai. Mungdan lahkawng a hpaga masing hte maren Miwa-Myen mungdan jarit mayan kaw nga nga ai laknak hpai rawt malan wuhpung ni hpe gap hkat jahkring na matu Miwa asuya a shadut ai lam ni byin wa ai.

Laknak hpai rawt malan wuhpung ni gap hkat jahkring na matu mvithkrum wa ai lam



8-3-2012. Miwa mungdan Rwili mare kaw Myen asuya hte KIO a simsa lam bawngban nga ai sumla

Mungdan asuya lahkawng maga myithkrum ta masat htu let galaw sa wa ai China-Burma border trade masing npu e 1987 ning hta Communist Party of Burma (CPB) wuhpung hta shang lawm nga ai Zingkhung Ting Ying woi awn let New Democratic Army (Kachin) NDA (K) mying hpe shamyng nna, Myen hpyendap asuya (SLORC) hte sim sa lam la let gaw sharawt masing galaw na matu ta masat htu shagrin dat ai. Dai hpang kade nna ai 1994 ning hta Ningbaw kaba Maran Brang Seng woi awn ai Kachin Independent Organization (KIO/KIA) gaw Jinhpaw Wunpawng

amyu sha hte mungdan a lu la ging ai ahkaw ahkang hpe myit mada let mung masa hpe bawngban jahkrup lu na matu Myen hpyendap asuya (SLORC) hte gap hkat jahkring ai lam (cease fire agreement) hpe ta masat jawm ka ai lam byin wa ai.

Raitim myit mada ai hku nbyin mat ai sha n-ga, bawngring masing npu e Jinhpaw wungpawng mundan hte mungchying sha ni a hkrat sum machyi mat ai lam law law ngai lai mat ai. Ndai mayak manghkang ni hpe kadai wa mung mu chye hparan lawm ai lam nnga ai. Tinang mungdan hte amyusha ni hkrai sha shaning law law hkam sha taw nga ai re. Mung masha ni kade yak hkak hkum sha ai raitim Jinghpaw Wunpawng mungdan kata hta Myen hpyendap n-gun maden jat ai lam gaw 1994 ning hta 26 rai nna, 2006 ning hta gaw Myen hpyendap 41 du wa ai. Ya lani hte lani grau law wa ai. 2011 June-9 kaw nna, Jinghpaw Wunpawng mungdan de Myen hpyendap n-gun yawng pawng (170) lung wa nna, majan kaba kasat taw nga sai lam hpe Du Kaba Jame Lum Dau (KIO maigan kyithkai dat kasa hpu-awn) hku nna, April 19, 2012 hta Australia Myanmar radio san htai galaw ai.

Ndai lam ni gaw sinat mahku nsen nngoi ai, tsi wanhkut nmawng ai, sai hka nlwi ai ladat hte “ntsa lam numhkaw hprwi, kata de hka lwi” re ai ladat hte Myen hpyendap asuya Hkingmang daju General. Khin Nyunt a lakhtak hta laknak hpai wuhpung 17 hpe gap hkat shazim tawn lu ai. Hpaji zai ladat hpe jai lang let, lam mi maga hku yu yang ahkaw ahkang jaw ai zawn raitim lam mi maga hku yu yang, rawt malan myit hpe gau ngwi ngwi shazim kau ya ai lam ni byin nga ai.

Gap hkat jahkring ai laman na aten gadun gaw sharawt masing

Gap hkat jahkring sai hte maren, economic development program ngu ai sut masa bawngring masing npu kaw e, Miwa mung hte Myen mungdan jarit Myen mungdan a dingdung daw, Jinghpaw mungdaw kaw hpring tsup nga ai maisak, mai lung hpun shaw sha ai hpaga (logging) galaw ai lam ni laja lana byin wa ai. Dai sha n-ga, ja, lungseng hte kaga nhprang sut rai ni htaw shaw sha nna, Miwa mungdan de dut shalai bang ai lam ni mung laja lana rai wa ai. . Dai kaw nna, 1997-2005 ning hta Miwa hte Jinghpaw Wunpawng mungdan kata hta e, nhprang sut rai htaw shalai na matu, gaw sharawt ga baw hte mawdaw lam, hka mahkrai ni hpe Miwa mungdan de na hpaji ninghkring ni, bungli galaw masha (Kung ren) ni sa du nna, gaw gap hpang wa sai.



Miwa mungdan de htaw shalai bang nga ai hpun mawdaw sumla (internet sumla)

Arang lu ai hpaga masha law law mung, Myen hpyendap asuya (SPDC) hte pawng ai, အကျိုးတူ ဖက်စပ် company hpaw ninghtan let Jinghpaw Wunpawng mungdan de dam lada ai hku bungli galaw shang wa ai. Jinghpaw Wunpawng mungdan shara shagu hta, Mali hka hte nmai hka mayan, Laknak hpai rawt malan wuhpung ni a shara, Uru Seng Maw Hpakant ginra ni hta Miwa mungdan na Miwa sut du ni hte bungli galaw masha law law du shang wa ai.

Gap hkat jahkring nga ai laman hta laknak hpai rawt malan wuhpung ni mung, tinang wuhpung hte ni nawn ai mare buga ni hta Myen hpyendap asuya hte bawngban jahkrup nna, gaw sharawt bungli ni hpe galaw nga ai. Rawt malan wuhpung ni galaw mat wa ai gaw sharawt bungli ni gaw, hpaji jawng, tsi jaw gawk, mawdaw lam, hka mahkrai, yi sun, hkau na, hydropower myihprap wan ni hpe galaw lai wa ai. Raitim tinang myit da ai jet ai, hkrung grin ai bawngring masing de gaw ndu lu ai.

17 ning gap hkat jahkring let gaw sharawt masing npu e akvu ara hkam sha lu ai ni.

Gap hkat jahkring ai aten hta Jinghpaw Wunpawng mungdan kata hta hpun shaw dut ai, ja htu ai, lungseng htu ai, hka madim(hydropower) galaw ai, hkai sun kaba (monocrop plantation) galaw nga ai.

Hkrup mara tara nlang ai hku nhprang sutrai htu shaw let akvu ara hkam sha ai ni gaw, Myen hpyendap asuya (SPDC) ahkun hkanse 35%-50% hpe nhprang dap (သတ္တုဝန်ကြီးဌာန)) kaw nna tara shang lu la ai sha n-ga, mayun kumhpa hku nna mung, tsang hte tsang,

Jinghpaw mungdaw up ai taimu, (Northern Commander) kaw nna ginjaw Naypidaw hpu-awn tsang du hkra, Myen gumhpraw sen hkying kaba lu ma ai. Laknak hpai ai wuhpung ni nkau mi akyu hkam sha ai, magam gun lahta tsang madang ni tinggyeng akyu hkam sha lu ai. အကျိုးတူ၊ ဖက်စပ် company lauban ni amyat law law lu ma ai.

Jinghpaw Wunpawng mungdan kata na manu dan ai ja, lungseng hte nhprang sut rai ni hpe Miwa ni gaw jarit mayan hku nna, manu hkyem sa dik lu la nhtawm tsawm htap ai hku galaw shapraw nna, maigan mungdan de dut ginlen let manu jahpu law law hkamsha lu ma ai. 1991-1997 lapran hta shaning shagu ja ton (0.5) ram Myen mungdan kaw na maigan de dut shalai nga ai.

17 ning tup gap hkat jahkring let gaw sharawt masing npu e ahtu hkra machyi ai lam

Gap hkat jahkring ai laman, gawsharawt bawngring masing a majaw akyu ara nga ai zawn, akyu ara yawm mat ai, hten za mat ai law law nga lai wa ai. China-Burma border economic development masing npu e nni nhkri rai, ahtu hkra machyi hkrum ai ni gaw, Jinhpaw Wunpawng amyu jauman masha ni rai nga ai. Ja htu ai hpe yu dat yang, Jinhpaw Wunpawng mundan a area yawng pawng 16,083 sq.km (shnr) 18% ram gaw jahtu sha ai ginra tai mat sai.



2011 shaning nnan daw Mali Nmai zup kaw ja htu sha ai sumla

1994 shawng daw hta Jinghpaw Wunpawng mungdan, Hugawng pa hta Ja Maw 13 hpe sha htu sha ai. 2006 ning hta ja maw 31 du mat ai. Lani hte lani ja htu sha ai lam grau law wa ai.

Tara nlang ai hkrup mara nhprang rai htu shaw ai majaw, Jinghpaw Wunpawng mungdan e, ahtu hkra machyi ai mabyin ni gaw, shinggyim lailen htenza ai, lamu ga zing hkrum ai, jahkrit shama let mare htawt ra ai, lakti lakna bungli shangun ai, shinggyim ahkaw ahkang tawt lai hkrum ai, makam masham lam hta adip arip ginhka hkrum ai, nse nsa

hpaga galaw ai, shinggyim masha dut sha hkrum ai, nanghpam lu sha ai law htam wa ai, hkamja lam hta ahtu hkra machyi ai. Myen mungdan hta HIV & AIDS ana zinli kap ai law dik gaw Jinhpaw mungdaw hta re. Jinhpaw mungdaw kata 90% HIV & AIDS ana zinli kap ai gaw, nang hpam lu sha jai lang ai majaw rai nga ai.



Hpakan shara mi hta hkatpung lu taw ai ma kaji sumla

Jinhpaw Wunpawng mungdan Myitkyina mare, Shatapru, Dapkawng hte Dumare ni hta nta shagu ngu na daram kani hpraw hpe lu sha ai marai langai ngu na daram lawm nga ai. Dai majaw nta dinghku masha ni hpe myitru ai lam, makau grup yin hpe mahkang amyu myu hkrum sha ai lam ni byin nga ai. Jinhpaw Wunpawng mungdan, Hugawngpa na Tungmali jamaw kaw, 80% ram gaw, kani chyang hkatpung hpe chye lu sha mat nna, ja htu ai hkawngma 30% ram gaw kani hpraw (heroin), methamphetamines hte kaga nanghpam lu sha ni sha taw nga ai.



Uru sengmaw hpakant mare na ngang kayut hpaga dap sumla

Nse nsa ngang kayut hpaga galaw sha ai lam law wa ai majaw mung, myu shayi law law hpe htenza shagun ai lam ni byin nga ai. 2005 ning hta Hugawngpa Shingbwiayang jamaw hta Jinghpaw wunpawng myu shayi ni hpe ja maw de shat shadu na matu shaga la nhtawm, ja maw du ai hte nse nsa hpaga galaw sha ai ginsum de jahkrit shama let rim dut sha hk rum ai. Ndai zawn galaw sha ai hta Myen asuya balik ni nan ahkun hta sha lawm ai hpe mu chye lu ai. Jinhpaw Wunpawng mungdan kaw nse nsa hpaga galaw sha ai shara law malawng ni gaw, Ja maw, lungseng maw hte hpun lawk ni hta law nga nna, Myitkyina zawn re ai mare kaba ni hta mung nga nga ai.

Bai nna, Jarit mayan na sut masa bawngring masing npu e, Jinghpaw Wunpawng myu shayi sha ni hpe miwa ga de dut sha hkrum ai lam ni law nga ai. 2004-2007 shaning kang hkup du hkra Jinghpaw wunpawng myu shayi ni hpe Miwa ga de dut sha hkrum ai gaw 163 tup rai sai.

Dai sha n-ga nhprang rai hpe madung dat let gaw sharawt bungli galaw ai marang e, shingra tara hten za wa ai lam ni mung byin nga ai. Nam maling ni krin ma wa ai, lamu ga sharut gyi ai, hka hkingau gyi ai, hka shi hka nu ni maza mala rai mat ai, hka lwi lam gale mat ai, katsi kahtet ai lam du hkra ladaw ni moi na hte shai wa ai.

Shingra tara hte du hkra ladaw shai wa ai majaw, Hotspot bio diversity ngu ai hkrung mahkrung tu matu ni mung myu htum wa magang sai. Ja, lungsheng hte nhprang rai htu shaw sha nna, kabai tawn da kau ai jak sau ni, mercury hte cyanide ni gaw, dusat dumpyeng ni hte jau man buga masha ni a matu hkam ja lam hpe jahkrit shama ai lam byin wa ai.

Maw ginra ni hta shingyim akyang lailen ni htenza mat ai. Dinghku num hte la kaga ga nga ai majaw dinghku ga garan mat ai. Hpaida dabang law wa ai. Mayun kumhpa hpe sak jaw/hkap la ai lam law wa ai. Kashun kashe mya lu mya sha wa ai. Ndai zawn manghkan myu hkum hkra byin nga ai majaw jau man masha ni a matu matut sak hkrung lam, kanbau bungli galaw lu na matu lani hte lani yak hkak wa ai. Gap hkat jahkring myit hkrum let gaw sharawt bungli hpe galaw ai raitim, Jinghpaw Wunpawng mundan hta shanu nga ai mungchying sha ni gaw, bawngring wa ai lam nnga ai sha, ahkaw ahkang lani hte lani hkrat sum wa ai lam ni byin wa ai.

Wunpawng mungdan shanglawt hpung (KIO) Mungbawng rapdaw zuphpawng
(National convention -NC) de sa lung ai lam



Jing hpaw Wunpawng Myu sha salang ni Mungbawng rapdaw de sa lung ai sumla (Internet sumla)

2006 ning hta DR. Tu Ja KIO Ningtau ningbaw woi awn let, Mungbawng rapdaw (NC) de, sa du shang lawm nna, Jinghpaw Wunpawng mungdan hte mungchying sha ni a matu ahk aw ahkang lu la na matu myit mada let numdaw-19 lawm ai laika hpe mung Myen hpyendap asuya (SPDC) lakhtak hta tang shawn ai. Dai hpe Myen hpyendap asuya kaw nna, hkap la bawngban ai lam nnga ai sha, matsing sumting hku nna, zing da jaw na ngu tsun dat ai. KIO kaw nna, myit kalu kaba hte 2008 ning Myenmar mungdan ai gaw da ai tara (constitution) hpe mung madi shadaw lawm sai. Mung masa hpe mung masa hku tara shang rap daw hta bawngban la lu na matu sa shang lawm ai rai nga ai.

De hpan, DR. Tu Ja woi awn let Kachin State progresive party (KSPP) hpe hpaw ninghtan let, 2010 ning ra lata poi hta shanglawm na matu hkyen lajang mat wa sai. Raitim Myen

hpyendap asuya (SPDC) gaw, KSPP hpe tara shang (registration) hkap la ai lam n-nga ai sha n'ga KIO/ KIA hpe jarit sin hpyendap (border guard force BGF) hpe lakti lakna hkap la shangun ai lam hkum ai.

Rai yang KIO hte Myen hpye asuya (SPDC) gaw lani hte lani grau grau nrum ai lam ni byin wa ai. Jinghpaw Wunpawng mungdan kata hta shanu nga ai mungchying sha ni a ahkaw ahkaw, htunghkring makam masham, laili laika ni hpe tara shang ahkaw ahkaw jaw ai lam nnga ai sha n'ga pat hkum shadang ai lam ni shaning law law rai wa ai. 17 ning tup KIO hte Myen hpyendap (SPDC) gap hk at jahkring let gaw sharawt bungli masing npu e mung, Jinghpaw Wunpawng mungdan kata na nhprang sut rai lani hte lani htum mat wa ai, shingra tara hten za mat ai, shinggyim ahkaw ahkaw laja lana tawt lai hkum ai. Mungchying sha hte KIA hpyen la ni hpe mara nnga ai hkrup mara zingri sat hkum ai lam, myu shayi ni hpe nse nsa roi rip sat kau ai lam ni grau grau byin wa ai.



Mazup hta sha chyaw nga ai hka madim galaw ai miwa bungli galaw masha ni n-ta.

Dai sha n-ga 2005 ning kaw nna gaw, Myen mung ting a ahkyak ai shara, Jinhpaw Wunpawng mungdan a salum rai nga ai Mali-nmai zup (Myitsone) hta China power investment (CPI), Asia world company hte Myen hpyendap asuya pawng nna, Infrastructure development rai nga ai Hydropower project 3,000 mgw hpe gaw gap na matu hkyen lajang wa ai. 2009 ning kaw nna gaw Myitsone hydropower project 6,000 mgw hpe gaw gap sa wa matu Chyinghkrang mare hta China Power Investment (CPI) president Mr. Lu Quzhou hte Jinhpaw mungdaw up ai Taimu Gen: Soe Win (northern commandar) kaw nna, Mali-nmai zup madim hpaw poi lamang hpe galaw hpang wa ai.

Myitsone hydropower project masing a majaw Jinghpaw Wunpawng myu sha ni shanu nga ai mare kahtawng 47 hte masha jahpan 15,000 gaw, asuya kaw nna jahkrit shama let htawt sit ra mat ai. Mare buga masha ni a yi sun hkau na, dihput htingra ni hpe zingla kau jaw ai. Jinghpaw mungdaw asuya kaw nna mung mare masha ni hpe rim adup hkyuk bang let jahkrit shama ai lam ni galaw ai. Laja lana rai shingyim ahkaw ahkang tawt lai ai lam hpe jauman mare buga masha ni hkrum sha lai wa ai.



Yuzana company shakrin kau ai majaw sharaw rem gaiwang kata na poster sha ngam nga ai sumla

2008 ning kaw nna, Hugawngpa jauman mare buga masha ni a yi sun hkau na, dinghput htingra ni hte hpawn, Myen Hpyendap asuya hte jinghku rai nga ai Yuzana company ningbaw U Htay Myint gaw nai kadung hkai sun masing (Mono crop plantaion) a matu nga nna, lamu ga eka 200,000 jan hpe mung zing la kau ai. Hugawngpa gaw American mungdan hta ginjaw ai Wild life Conservation Society (WCS) hte Myen hpyedap asuya (SPDC) pawng nna, World The biggest Tiger reserve sharaw rem gai wang kaba hpe masat tawn ai shara mung rai nga ai. Sharaw rem gaiwang mung yawng akrin akrawt rai Yuzana company kaw nna, jak rung jakrai ni hte kanaw shakrin kau sai. Hugawngpa jauman buga masha ni yi sun hkau na ni hpe zingla kau ya ai majaw, galaw lu galaw sha na shara yak hkak mat ai, asak hkrung na matu pi yak wa ai daram rai nga ai. Zingla hkrum ai lamu ga ni hpe bai lu la na matu, Jinghpaw mungdaw asuya kaw mung tara shang laika bang shawk yu ai. Ginjaw Naypidaw madang du hkra Tara kasa ni hpe shaga lang let, tara upadi hte jey ang ya na matu Myen mung ginjaw asuya tara rung hta mung shawk shawn lai wa ai. Raitim dai ni du hkra mare buga masha ni ra sharawng ai hku hparan jaw ai lam hpa mung

nnga shi ai. Shinggyim ahkaw ahkang tawt lai ai lam gaw lani hte lani grau grau she law wa ai.

Bai nna Miwa hte Myen mung jarit mayan hta shanu nga ai buga masha ni a kanbau bungli bawngring rawt jat wa na matu (ဘိန်းအစားထိုးသီးနှံစိုက်ပျိုးရေး)ngu nna, Myen hpyendap asuya, KIO hte Miwa asuya ni jahkrum let Laiza lam madiyang, hkaya, Shadanpa ni hta langu sun eka 20,000 jan galaw mat wa ai. Raitim jauman masha ni gaw, shanhte lu tawn ai yi sun ni hpe zing la kau hkrum ai majaw galaw lu galaw sha yak hkak mat ai. Langu sun hpe madu lu ai ni gaw, prat nmat laman e prawn ai, lau ban masu ni sha akyu hkam sha ma ai. Miwa mungdan na Lauban mying gun ai ni a npu e mare masha ni mayam tai let nga pra ra mat ai. Langu hpun hkai ai hta lang ai chemical rai ni a majaw hkam ja lam ahtu hkra ai lam ni byin nga ai.

Gaphkat jahkring nga ai aten ladaw hta galaw lai wa ai Myitsone hydropower madim masing, Yuzana company a nai kadung sun masing hte nhprang rai hpe madung dat let gaw sharawt bungli galaw wa ai majaw Jinghpaw wunpawng myu sha ni hta ahkaw ahkang hkrat sum machyi ai lam ni gaw tsun nma rai wa ai.

KIO hte Myen asuya hpyendap bai majan kasat wa ai lam

Lahta de tsun lai mat wa ai zawn, ahkaw ahkang nlu ai, roi rip hkrum sha ai mung masha ni gaw hkam sharang jin mat wa ai majaw, KIO hpe mara shagun let aput angun ai lam mung law wa sai. Mung shawa ni kaw nna, Yuzana company lamu ga zing ai hte Mali nmai zup hydropower madim a majaw byin wa aii mayak manghkang ni hpe hparan lu na matu Myen hpyendap asuya hte KIO hpe laika mung lang hte lang tang shawng lai wa ai. Raitim asuya kaw nna, mare masha ni a ra sharawng ai hpe hparan jaw ai lam nnga ai.



2011 Jun 9 ya shani majan byin hpang wa ai lamu ga sumla

17 ning tup Myen asuya hpyendap hte gap hkat jahkring ai laman KIO mung, gawsharawt bungli ni hpe Myen hpyendap asuya hte rau jahkrup let galaw wa yu ai. KIO hte Jinhpaw Wunpawng Myu sha ni gaw, Myen hpyendap asuya woi galaw ai gap hkat jahkring let bawngring gaw sharawt galaw ai mahkrum madup hpe lu la ngut sai rai nga ai. Raitim hkrunggrin ai bawngring masa, tara rap ra ai lam, jet ai sim sa lam hpe nlu gaw gap nga ai. Dai majaw KIO hpe woi awn ai ningbaw ni gaw tinggyeng sutlu nga mu nga mai lam hte gaw sharawt bungli galaw ai lam ni hpe tawn kau nna, kalang bai Myen hpyendap hpe laknak hte hkap kasat ninghkap ai lam bai byin wa ai. Tinang amyu sha hte mungdan a ahkaw ahkang lawt lu lam hte mung masa hparan la lu na matu, kaga ginjang nnga ai sha n-ga sak hkrung lu na matu pi yak hkak mat wa ai de du wa ai. Dai majaw 17 ning tup gap hkat jahkring let gaw sharawt bungli galaw masing gaw hten run mat ai masa rai nga ai.

Ga hpungdim

Miwa hte Myen mungdan a Jarit mayan na bawngring gawsharawt masing a majaw ahtu hkra machyi ai lam gaw Jinhpaw Wunpawng myu sha ni sha law malawng rai nga ai. Nhprang sutrai hpe htu shaw let bawngring gawsharawt bungli galaw ai nga ai. raitim, mare buga jauman masha ni gaw shawngdaw gawsharawt bungli garai n- galaw shi ai aten hta pi grau nna, yakhkak shoihpa hkrum sha nga ga ai. Nhprang sutrai gaw lani hte lani htum wa magang nga sai. Manu dan ai nhprang sutrai gaw Karai Kasang hpan da jaw ai shaman chyeju rai nga tim, ya ten hta dai shaman chyeju gaw dagam dala zawn she rai wa nga ai. Jinhpaw Wunpawng mundan hte amyu sha ni gaw Myen asuya a gaphkat jahkring let gaw sharawt bungli galaw ai marang ai gincha gilen lawm wa ai mayak manghkang ni hpe atsawm sha hkrum sha yu sai mahkrum madup lu saga ai.

Mung masa manghkang hpe hparan ai lam nnga ai sha, gap hkat jahkring let gaw sharawt bungli galaw ai rai yang, Mali nmai zup hka madim hte Yuza company a bawngring masing kaba zawn bai laja lana galaw wa na sha rai nga ai. Dai shaloi she kalang bai laknak hpai kasat kala ai de bai nhtang du wa chye nga ai.

Anhte Jinhpaw Wunpawng mungdan hte mungchying sha ni hkrum sha lai wa sai mahkrum madup gaw asan sha re ngu ai hpe mu lu ai. Mung masa ahkaw ahkang hpa mung lu ai sha n-ga, bawngring rawtjat galu kaba wa ai lam hpe nlu hkam sha nga ga ai. Myen mungdan hta shanu nga ai amyu bawsang ni hta hkrum kadut nga ai manghkang kaba gaw mung masa hpe mung masa hku hparan ai lam nnga ai sha, sinat laknak hte jahkritp shama dip up kamyet ai hte tara nlang ai hku nhprang rai hpe madung tawn let gaw sharawt bungli galaw ai majaw mung manghkang hpe grau kaba shangun ai lam bying nga ai.

Sawk sagawn tang madun ai wa

Tsaji (Kachin Development Networking Group (KDNG))

Jinhpaw Wunpawng Mungdan a gaw sharawt bawngring masing ni hpe 2005-2012 ning lapran sawk sagawn yu reng dinglik ai wa.

Shamyet shanat ai

1. A choice for China. A briefing Document by Global Withness October 2005.

2.  ASIA PACIFIC MEDIA SERVICES LIMITED

http://www.asiapacificms.com/articles/myanmar_chinese_connection/

3. MYANMAR: THE MILITARY REGIME'S VIEW OF THE WORLD

7 December 2001 Myanmar [http://www.crisisgroup.org/~media/Files/asia/south-east-asia/burma-Myanmar](http://www.crisisgroup.org/~media/Files/asia/south-east-asia/burma-Myanmar%20The%20Military%20Regimes%20View%20of%20the%20World.pdf) %20The%20Military%20Regimes% 20View%20of%20the%20 World.pdf

4. A choice for China. A briefing Document by Global Withness October 2005.

5. 2007 . Valley of darkness by Kachin Development Networking Group (KDNG)

6. A choice for China. A briefing Document by Global Withness October 2005.

7. 2007 . Valley of darkness by Kachin Development networking Group (KDNG)

8. At what price? November, 2004. Gold mining in Kachin state, Burma by Images Asia Environment Dest and Pan Kachin Development Society

9. November, 2004. Gold mining in Kachin state, Burma by Images Asia Environment Dest and Pan Kachin Development Society

10. 2007 valley of darkness by Kachin Development Networking Group (KDNG)

11. The national AIDS programme, Myitkyina township HIV sero-prevalence trend (1992-2003)" 2004

12. 2007. Valley of Darkness by Kachin Development Networking Group (KDNG)

13. 2007. Valley of Darkness by Kachin Development Networking Group (KDNG)

14. Driven away Trafficking of Kachin women on the China-Burma border by Kachin Women's Asociation Thailand (KWAT)

15. 2007 Damming The Irrawaddy by Kachin development networking Group (KDNG)

16. 2009 October, Resisting The Flood by Kachin Development Networking Group (KDNG)

17. 2007. Damming The Irrawaddy by Kachin Developemnt Networking Group (KDNG)

18. 2010. Tyrants, tycoons and tigers by Kachin Developemnt Networking Group (KDNG)

19. Interviewed with local resident in Shadanpa

